

送聖  
焚燎 向來

靈寶領教濟度金書卷之八十四

靈寶領教濟度金書卷之八十五

洞微高士開光救苦真人奉命具授  
靈寶通玄弘救水南先生林雲真編

科教立成品青玄贊集  
救苦齋用

分燈儀

靜默堂序立

贊引至道前

法師啓白

具位日主誠謹誠恐稽首頓首再拜奏啓

東極青玄老君太乙救苦天尊運明保元上

帝仰真容慈俯垂省覽日開陽光煥奕疑生

系於東華陰景濛濛結陰氣於黃壤沉六趣

之迷雲昏昧與三塗之密霧沉靈匪賴天恩

曷開地禁是以青玄救苦黃籙垂慈建上命

夜光之司昭明列壘頒察命開光之吏照灼

重泉俾承太乙之真輝俯燦大千之妄垢神

功克著妙用難量今有齋主某敷列瑤壇肅

然寶炬上明綠界增經緯之榮煌中映黃畿

添通遐之璀璨下通鬱絕旁洞羅靈俾寒庭

無考對之聲乘晨有賴庶幽壑絕繫維之苦

離夜無拘悉依百寶之光永證三華之耀巍  
巍功德赫赫威權清眾運誠加持燈果

太乙救苦天尊

晃耀晨輝 飛空八衣 清微之炁 玄瑩祥儀

華英翁鬱 洞章正旋 安鎮玉房 生發善津

回轉冥官 丹迎軸飛 苦道有復 一靈所歸

青華帝君 與臣俱隨 光明徹映 萬劫生輝

和不可思議功德

道生一以分三開明三景炁舍三而為九照

映九幽蘭骨煥爛於金華蓮液腫脹於寶鼎

翔鳥擷兔象日月之飛芒躡虎舞龍恍虹蜺

之映彩十華朗照八極流明見之者萬罪風

清證福鄉而晃朗千究水釋登道岸以優游

俾昏衢成不夜之天而苦趣幻長春之景日

等仰依惠力密輅威光願闢法界之沈淪悉

煥生方之快樂見前清衆請為分輝

流光法界天尊

道眾分點內外燈周遍

向來諸光分燈功德周圓伏願燈燈高映景

景通明窮三際以光明巨十方而朗徹四生

六道均鼓舞於陽精七越三塗悉道遷於天  
粹疾登覺地均證惠源為如上緣志心稱念  
光明常照天尊和不可思議功德

惟召儀

步虛

洒淨

伏以乾炁坤形生死總關於黑府陽魂陰魄  
升沈重藉於青宮皈心獅座之仁恩稽首龍  
符之惠力鷹揚三極既速與聖武之嚴嚴虎

視九幽宜嘉藉神威之赫赫庶提地爽即步  
天衢以今奉為某修建

某齋閣度某寶籙飛馳召役以頌於仙佐金  
章檢制追尋諒遠於冥途茲也銀漢光浮璇  
杓影轉聲沈玉漏廓夜炁之淒涼彩耀金缸

膺膏輝之澄湛蘭場顯設芝饌森羅期徹召  
於靈儀膺來臨於壇座再伸懇悃願副精誠  
法衆運誠志心召請

志心奉請青玄黃籙召魂引魂追魂尋魂靈  
官將吏惟願雲車風馬俯降來臨今日今時

第十一

召魂顯現

志心奉請九天普度六六真人六六將軍雌  
雄八將惟願

志心奉請本靖主將副將監壇護道將軍仙  
雲官將惟願

志心奉請城隍社令里域真官司命六神住  
居土地惟願

三獻

散花

伏以真實法有為法下愚迷越死之機太乙  
光百寶光上聖侈度生之澤建玄曹之變理

承青符以昭宣一炁飛靈死炁九還於生炁  
萬神拱命陰神七返於陽神極旋經幹緯之  
功彰守雌抱雄之力以今齋主某望寬志切  
雷露心哀關比贊以提魂飲承

帝教赴東華而度命允賴神威諒廣運於靈  
通為布昭於威武檢鬼營不得容隱救神鄉  
無輒拘留茲召集之屆期盍追提之極止靈  
播招颺速靈識以期歸寶鐸琳珞迓遊精而  
影現故伸布告願賜懇祈流金闕道於水陸

第十一

開津擲火啓途於城隍社令生方死府下遷

極於風輪陽路陰途上遐窮於雲蓋速攝速  
至疾現疾彰既窮六道以搜羅與廓五方而

開闢三魂七魄追尋無散漫之虞萬炁五形  
拔領有生全之喜即赴蘭場之會容款芝饌

之珍宜炁迴靈蕩陰氛而顯應全形入夢接  
陽眷以通真恪彰感應之私不負皈依之切  
玄壇文檄謹用宣揚

宣檄

壇檄具嚴齋忱孔備幽冥後度不勝激切之  
動將吏宣威宜憫皈依之懇疾追提於陰真

膺顯現於陽靈  
天律具嚴固敢拒遏亟彰應感不負勲勞某  
不勝翹傾之至

焚燎 向來

靈寶領教濟度金書卷之八十五